



Na osnovu čl. 69. st. (1) tačka d) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 08.04.2023. godine, direktor Sekretarijata Visokog sudskog i tužilačkog vijeća Bosne i Hercegovine, donosi

## **ODLUKU** **o poništenju postupka**

### **Član 1.**

(Predmet odluke)

Poništava se otvoreni postupak nabavke usluga, LOT 2 – Održavanje SOKOP-Mal sistema.

### **Član 2.**

(Razlog poništenja)

Predmetni postupak se poništava iz razloga što nijedna od primljenih ponuda nije prihvatljiva.

## **Obrazloženje**

Postupak javne nabavke proveden je putem otvorenog postupka. Obavještenje 172-1-2-54-3-36/24 je objavljeno 12.03.2024. godine na web portalu: <https://www.ejn.gov.ba/>. Primljena je ponuda ponuđača OLIVEBH d.o.o. Sarajevo.

Komisija za nabavke imenovana Rješenjem broj 05-16-4-4346-1/23 od 26.12.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-1081-13/23 od 08.04.2024. godine (u daljem tekstu: Zapisnik) je u prilogu ove odluke) i utvrdila sljedeće:

Ponuda ponuđača OLIVEBH d.o.o. Sarajevo se odbacuje jer ponuđač nije ispunio zahtjeve iz tenderske dokumentacije, broj 05-16-4-1081-2/24 od 12.03.2024. godine (u daljem tekstu: TD), a u skladu sa članom 68. stav (1) Zakona o javnim nabavkama.

Ugovorni organ je tačkom 5.3.1. b) TD, u svrhu ispunjavanja uslova za kvalifikaciju, od ponuđača zahtijevao da raspolaže sa najmanje jednim stručnjakom koji će biti odgovoran za pružanje usluga i koji posjeduje odgovarajuće kvalifikacije, u skladu sa članom 50. tačka b) Zakona i to najmanje pet godina radnog iskustva na poslovima za koje su korištene sljedeće relevantne tehnologije:

- Java 1.8
- Spring boot
- Oracle 11gR2 baza podataka
- Angular 9 i PrimeNG
- Jasper Reports za izradu reprezentacije dokumenata i izvještaja;

na kojima je predmetni softver razvijen i instaliran, čija je ukupna vrijednost jednaka ili veća od 30.000,00 KM bez PDV-a.

Nadalje, ugovorni organ je u svrhu ispunjavanja uslova za kvalifikaciju zahtjevanih tačkom 5.3.1. b) TD, između ostalog, tačkom 5.3.2. b) TD zahtijevao da ponuđači u svojoj ponudi dostave original ili kopiju ovjerenu od strane nadležnog organa (sud, notar ili općina) sljedećih dokumenata, i to:

Ugovora o angažovanju predloženog / ih stručnjaka važećeg za vrijeme trajanja ugovora koji je predmet nabavke;

ili

Uvjerjenja da je/su stručnjak/ci zaposlen/i kod ponuđača izdatog od strane nadležnog organa.

OLIVEBH d.o.o. Sarajevo je svrhu dostave dokaza zahtjevanih tačkom 5.3.2. b) TD, u svojoj ponudi, broj 011-03-24 od 27.03.2024. godine (u daljem tekstu: Ponuda), na str. od 43 - 45, dostavio original Potvrde o radnom iskustvu – Šerif Kapić, broj 066-03/2024 od 21.03.2024. godine, koja je izdata od strane od strane OLIVEBH d.o.o. Sarajevo, u svojstvu poslodavca.

U navedenoj potvrdi, se između ostalog navodi da je Šerif Kapić, kao stručnjak koji će biti odgovoran za pružanje usluga, zaposlen kod ponuđača od oktobra 2012. godine, te taj radni odnos traje i dalje.

Daljim pregledom ponude, Komisija za nabavke je utvrdila da OLIVEBH d.o.o. Sarajevo, osim navoda iz Potvrde o radnom iskustvu – Šerif Kapić, nije dostavio niti jedan zahtijevani dokaz koji je zahtjevan tačkom 5.3.1. b) TD, a kojim bi potvrdio navode koji su navedeni u potvrdi.

Ponuda ne ispunjavanja zahtjeve iz TD jer je OLIVEBH d.o.o. Sarajevo nije dostavio uvjerenje izdato od strane nadležnog organa, da je stručnjak odgovoran za pružanje usluga (Šerif Kapić) zaposlen kod ponuđača.

U skladu sa prethodno navedenim, Ponuda ponuđača OLIVEBH d.o.o. Sarajevo je ocijenjena neprihvatljivom.

Visoko sudsko i tužilačko vijeće Bosne i Hercegovine je TD predvidio primjenu e-aukcije u skladu sa Pravilnikom o uslovima i načinu korištenja e-aukcije ("Sl. glasnik BiH", br. 80/23). Obzirom da nije primljena niti jedna prihvatljiva ponuda nije bilo moguće provesti e-aukciju, a u skladu sa članom 5. stav (1) navedenog pravilnika.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za donošenje odluke o poništenju postupka.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-1081-15/24

Datum: 09.04.2024. godine

  
Direktor Sekretarijata  
MP  
Admir Suljagić

Dostavljeno:

- Ponuđaču,
- Odjelu za finansije i računovodstvo,
- a/a.